

Соколёнок

6/2020

ноябрь – декабрь



Лачин



КІЕЛІ БАЗЛІ ГЪАЧАМ ДУРАБУЛХЪУСИ ДУРХІНАС ХАСБАРИБСИ РЕСПУБЛИКАЛА ЖУРНАЛ

2021



Рашиг Рашигов

Луги



Агь, анкИла луги,
Супелтар луги,
ХІечи сар гІяламла
Умут ва диги.

ХІуни цІакъ кайсулри
Ванзализибад,
ХІуни ранг кайсулри
БерхІилизибад.

Мар мургЫла сари
Кьукьри хІезирти,
ДугІлирив адамта
Гье чердикІибти!

Къябмааб хъябхъяли
ХІела муэрти,
Кункси цІуэрлиур
Илцад мурити.

ЛавшарбикІухІели
Авлахъ анкИла,
Багьадри хІулкІудеш
Дила уркИла.

Духъаб ванзаличир
Лугни тазати,
Деза биаб някъбас
Гьели делгІути.



ЧІАКА

Иуни мурталра Мажидла кІикьяранничи пахру бираси. Иличила дила зилантази хабурти дураси. Ил дуслизиб нушала хІяйвантачи гъачамалрабецІ чебухъунси ахІенри. Набгъанбиркусири, Мажидла кІикьяраннизирад урухдиубли буцІи гъамхІедирути сари или. Иличиб нуни пахру бираси.

Гъачам ишгъуна анцІбукъ бетатур. ДуцІрумла буцІарси бархІи сабри. хІяйвантани музаличиб бамсри ихъулри. Мажидли сунела кІикьяран биршулри, ну биалли улелъали укулри. Рахли шилизирад тІама-гъама чедидерхур. Шила чедиб хясала шившитІанра лукъахъули, халаси чІака багъарбиуб. Илала къяшмазиб цІуба секІалра лебри.

– Чила сабрил гІяргІя буцили саби, – иб Мажидли ва алавчарли хІеръиб. ЧІака ванзаличи дяхІцІира каили сабира гІяхІцадхІи гъаваличиб ласбикІули калун ва, ахирра нушачибад гъарахъли ахІенси музаличи кабииб. Мажидли

сунела тупанг касиб, ва къадалавад викили, чІака кабибси мерличивяхІ арякъун. ЧІака иштяхІличил дуббалтулри. Илини къябдирти цІуба пухІли цІуэрли гъавализир лукъахъулри.

Мажидла тупангла тІама зайбухъун. ЧІака даткаили дуклумира, къадала кабикиб, ну иличи дуцІухъунра, ил гъачамлис бекІили ахІенри. Ил гъимиличил набчира Мажидличира хІербикІулри. БяхІ хІили басири, илала куц чедибадди урухиэсли сабри. Амма ну уруххІейубра. Дила мякълав Мажид левхІели бииши.

– ХІера ишала хІулбачи, – иб Мажидли набзи. Нуни чІакала хІулбачи хІеръира. Ца гІяжаибли къаркъала зимбухъун. Мажидли дила бекІичи някъ кабихъили ва иб:

– Душманра гъалмагъра хІулбачивли вагъес вирар. Бурсивии илди декІарбирес.

ДяхІ хІейцуси Марзи

– ДяхІ хІейцис нуни савли: –
РикІар рахъ рарскъа Марзи,
ДяхІ дирца рикІухІели
Нешла рузи сунези.

– Сен хІейцида? – хъаррикІар
Нешла рузи Марзизи.
Нешли рукира рикІар
Нуни ну хІяммамлизи.

– ХІяммамлизи хІябьякъун
Дуги нушала зици,
Савли ил зициликІун
ИшбархІира дяхІ дирциб.

– НукІун зици ахІенра, –
ПушрягІили сар Марзи.
Сунес сецад хІейгалра
Касиб сапун някълизи.



Лагъа

Гъачам кѳиибил класслизив учѳуси Гѳяхѳмадли тѳимкъ кадиѳъиб ва лагъа буѳциб. Разивиубси илини лагъа бяркъес къасбариб ва мегъла гима белшунси тѳакъализи кабатур. Тѳакъала лутѳилизи кабиѳъибси уркъуйчи илини, ма, буген или лявикѳули, къаѳцѳла къидикъури кадиѳъиб. Лагъали Гѳяхѳмадла гъайличи бекѳлил пикри бяѳчѳихѳеиб. Ил къаркъала барибсин цухбизурли, хумарти хѳулбачил чинарил гъараѳълибѳахѳ хѳербикѳулри. Гѳяхѳмадли къаѳцѳ хѳейгадли, хѳед нуни, хѳера, ишди лугас, викѳули, семечко кадиѳъиб. Лагъали илдачи хѳералра хѳеиб. Кадиѳъиб биринж. Гѳяхѳдеш агара, бяргѳибсин хумарли кабизурли лагъала куѳ барсѳхебиуб, бергайчи ил хѳералра хѳебизур. Илини Гѳяхѳмадла я лавъала, я тиладиби дикъули ахѳенри. «Седигули ишис? Сен хѳебугуси иш? Белики зягѳипли биѳс? – пикриикѳулри ил. Лагъа хѳябѳсил бархѳира хѳебугиб. Гѳяхѳмадли ил анѳѳбукъличила дудешличил ихтилатбариб.

Дудешли гъала-гъала лагъала аги гѳяхѳил хѳербариб, пикриухъун, гѳур уршилизи хъарбаиб:

– Урши, иш арѳай хѳела чи-биалра кавшилив?

– Ахѳен, – уркѳухъун Гѳяхѳмад.

– Хъулки барилив?

– Ахѳен, гъари! Сейкѳусири хѳу дудеш?

– Чис-биалра вай яра зарал барилив?

– Ахѳен?

– Хѳебиалли, сен хѳуни ил, халаси такъсирчиван, туснакъла кабатурлири? Гѳяйѳбагарси пѳкъьр арѳайчи, азаддеш



дигѳи, зулму барили виадли, бугану ил? Азаддеш кебасниличиб вайси селра лебси ахѳен, урши. Ил гъарил жаннис дигахъуси дурхъаси секѳал саби. Хъярхъли азадбати ил, гаша бекѳили хѳейгадли.

Гѳяхѳмадли хумариубли, тѳакъала унза абхъиб. Разибиубси лагъали Гѳяхѳмадла туснакъ уббатур, ва, арѳурли, ил пѳхѳили буун.

Аръали

Аръала – муръил ниъли
Ризкъила къякъ белкъахъун,
Лугили гъярца някъби
Берхиличи гъадатур.

Дугадариб бехлани
Берхила нуранани,
Дерхур аршила луги
Мургъила ранганани.

Мургъила мачни-анкИ
Дучили усурбази,
Кеп касиб давла бучиб
Хъубзарли гъебшнилизиб.

Закличиван хІялалли

Закличиван малхІямли
ХІерикІен адамличи,
ХІела хІерли даимлис
Бамкъур хІял сагъбаресли.

Мукъразиван малхІямли
ГъайкайкІен адамлизи,
ХІела гъайли вайси къас
Даимлис бетакъесли.

ШадхІели гъалакирен,
ХІу гІяхІси адамличи,
Шаддеш кІиркабирахъу
Валикили ил хІечил.

Дард лебихІи хъяркиркен
Вари, хІу адамличи,
Вирхай, кункбирахъид
КакІелахъи иличиб.

Кункбиахъес хІечибли
Чекасибсиван хІечи.
Вари хІу гъалмагъиркен
ХІялалси адамличил.

Аминат Пябдулмананова



ГІямру ахІерхІейрули

Забла кІантІли гъаршлизиб
Баргили анкІила къякъ,
Бужахъиб ил белкъайчи
Сар гІямру хІезир или.

Бегъуб илаб забла кІантІ,
КІантІилра хІебакІили,
– «КІибайбики, хІунира
Луги акІахъа», – или.

Ахъбиубси лугила
Хъяб дуциб нуранара,
Аршила дяхІ лушули
Харжбиуб цІуэрира.

Дунгъялис гІямру дедес,
ГІямулти хІедарили,
ХІерагу, тІабигІятли
ГІямру сар харждирули.

КЪАЦІЛА ТІЕМ



Нешли бетІула хамир
Дунъяван журугбариб,
ГІур бемжурси карили
Каниван пушбягІяхъиб.

Ламила цІа-лезмили
Хамирла дяхІ ламдариб,
ГІинцбала ляжубиван
ХІунтІен цІали рангдариб.

Хамирла тІем бержили,
Гъавара гІяярберхур,
КъацІ берцІнила гІяхІ хабар
Дунъяличи гІяйбиуб

Хамирла тІем халбарес.
Зубартира гъамдиуб,
КъацІла тІемли гыгъдикІес
Лусентира гІяшдиуб.

Каммабиаб, рулгулра,
Дунъяличиб къацІла тІем,
ГІур дунъяли мабагъаб
Гашила, анцІкьи ла тІем.

* * *

Се саби, урхъу, хІед,
ХІела дард лебсив:
Ца ругер бекІалли
Итил алкІуси?..

Се саби, урхъу, хІед,
ХІезиб хІяб лебсив:
Бузи-ванзала цІум
ХІуни иргъусив?

АЗРАГИЛ

Аязси, шаласи дуги сабри, зягипси Вагъаб ухъала диркъиублири. Изала хІярхІбиубси илис гъанкІ алавбухъун. Ил манзиллизир узнализи дяхъибти къутІли Вагъаб тирхъухъахъун.

– Чи саррая?

– Абхъа, АзрагІил сайрану, – аргъиб Вагъабли ва, «АзрагІил» эсцун валкъаурли, кайкиб.

Унзала гІелавси биалли Вагъабла тяниш ЗубагІил сайри.

ГЪИМИ

Узикъарла уршила хъуна къарига мекъличиб бержили валкайкибси Вагъабла хъули ацІибмад хІер телевизорличи бархъбизур. Илаб дургъбала кино чебиахъулри. Нушала чумал бургъан душмантани автоматунала лишайзи касилри.

Вагъабли къярдаличибад кІикъяран касиб, кІелра хІярала духІна лагъала гидгуриван халати хІярхІубачилти кІел патиран кадихъиб ва душмантала автоматчикунас къъайкдариб.

– Телевизор къалли тІутІубиуб, амма нушала бургъанти берцахъира, – хала гъигъ дурабушиб кепси Вагъабли.

ЗЕГЪА

Шила мякъларти хІябразиб гІяйбикІули сунела къял чебаибси Вагъаб гъалакли ила дурайкиб. Кили, белгъи, шантас бутІиб.

– Се барри хІуни? – къаркъа сунези къутІбарибхІели, мирхъила тІакъаван рижгур хъунул.

– Шантала хІябрачиганзбикІули гІергъи, ил къял нушала ахІен, – чІумали буриб Вагъабли.





ЛАЧИННА ГЪАЛМАГЪУНИ



61 школала дурхІначил гъунибаъни



59 школала дурхІначил гъунибаъниби

*Културалис
хасбарибеси
юбилейличил
гъунибаъни*



ЗулхІужат ГІябдулвагъабова дурхІначил

Мавсуртан Сагдгов

ВиштГали вирухГели,
Дила гГяхГси хя бири.
Хъуливад дуравхъайчи
Ил набчи хГерли бири.

Дила хялис мурталра
Лявбирули дигахъи:
ДуцГбухъи сабаили,
Сунес лига лугахъи.

Лигаличил АргъутГли
Сегъунти хГязти дирил!
Дирхаирая набчи,
ДурхГягъуна сабри ил.

Набчил школализи
Башес азгъинхГебири.
Дурсри тамандиайчи
Набчи хГерли кабири.

Бусули биаллира,
«АргъутГ!» алри харчбилзи.
«Се дигулри набзибад?» –
Ил хГулбази хГербилзи.

Чуйнара вализурра
Илала у барсбарес.
«Жулбарс» яра «Сартан»
Дигусири наб бихъес.

Дила хялис дигахъи
Сунес АргъутГ бикГули.
АргъутГ чи саял хяли
АхГенригу балули.

АргъутГли



Хала нешлири хялис
АргъутГла у бихъибси.
Пачала гГяскарлизив
Генералри бегГ вайси.

Шамилличи кършили
Ургъули калунсири.
РяхГмуагар няс виГни
Ил халкъли валусири.

Дубуртазир чумра ши
Дигуб бикГар ил нясли.
Бухънабачи, дурхГначи
ХГебири гъеч уркГецГи.

Жанивар сайри или
Дубуртазив ил уру.
Хялис ахГи дубурлай
ХГебирхъу илала у.

АргъутГличи мешудеш
Аги дила хялизиб.
Разидеш чебиира
Нуни хяла хГулбазиб.

Гъай хГедалули хъалли,
Дила пикруми иргъи.
ХГуй лишанбарибхГели,
ДуцГли баши наб гГергъи.

Амма гъачам хяли ну
Тамашавиахъубра,
Илизир гъабзадешра
ЛерникІун хІебалира.

Маза дигІес вакІибси
АргъутІли хъулки уциб.
Верги таманвиригу,
Ну музаухъи верциб.

Хяличи хІерикІули,
Висулри пакъир хъулки.
Къаниубси виасри,
БучІи ил няслис тулки.

АргъутІ нуни набчил барх
ВацІализи бикира.
Гъачамра шинкъа мякълар
БецІличил цугдикира.

БецІличи бетулхъули,
Ил секъяйда гъямбикІил!
Урухбиубси хъунцІбар
Севан ахъли авбикІил!

Дила АргъутІла къуллукъ
Бяхъиб цурали ибгиб:
Ургъанниван АргъутІли
Дявлизиб бекІа баргиб.



МАГЪЦЛА МУКУКУРИ

ДуцІрумлизирра дяхІила цІуба кьапІни бургачирад черхІейсути хІурхъазиб, хІулбала хІер хІяй-ранбирахъути шурми-ургаб пайтси ца тьяла лебри. Сунези ганз кахІецІибси ил тьялализиб дугІла кьацнала кьукья хІербирулри.

ХІеблизиб ванза вава-кьарли кІа-пІбарибхІели, турмигъунти мукукурар гІежала гежба акІуб. Гежбала гули цІала рансири, чІянкІли михъирличиб хъатгъуна цІуба дамкья лебри.

Ца бараван халакабаили, кьацнала бургачир халати мукукури чедаибхІели, гежба тамашабиуб. БекІ пяхъярбариб, амма сунела бекІличир лихІби ахІи, гІур селра аги. Гежба пикрибухъун: «ЛихІба тІамала иргъули сари, хІулба дунъя чебиули саби, кьанкьуба гягІ балахъули саби. Мукукуразибад се гІяхІдеш лебси вара? Кьацни кьарли дугухІелира, кІа-ламдикІухІелира, дусухІелира бургачир мукукури, кьарауьчирван, тІашли диалра, илдани чебиуси, бикьуси, балуси селра агарагу».

– Неш, кьацнас мукукури селис гІягІинити?

– Мукукурира агарли, макрура хІедалули, илдас хІердиэс кьиянхІели.

– Пегь! Мукукурачил ахІенгу кьацни кьарли дугути, – кьабулхІебикиб гежба.

– Илди агарли хьалли, ну хІербиэс бирулрагу.

– Гьачамлис хІуни дахъал секІал хІедалулри, дила биштІаси. Лерилра дигІяндешуни мурт-биалра хІунира иргъид, – иб неш-гІежали.

Гежба тІяхІ-тІяхІбухъун ва урун-жла шинничи гьамбиуб. Урунжла дяхІимцІайзиб сунела сипат чебаиб.

– Чинабад бакІибси иш мукукури агарси дибягъ? – чилирил хьарбаибси-ван бизур гежбас.

– Ну дибягъ ахІенра. АхІенра урухтус-ра. Ну уркІи чІумал пурс сабра! – гежба гІеларти кьашмачи ахъбиуб ва мукукури агарси, шиннизиб чебиуси сипатличи хъурсбухъун. Шин парчдохъун, мявнадиркьесдиб. Урунжлизиси сурат бетяхъиб. ХІяз-хІузлизиса ахъибси гежбали сахъли бирахъес нешли гІердурибти насихІятуни хъумартур. Хапли бекІла чедиб цІудара гьагулгъуна гьармука хъирхъа чІака ласбикІесбииб.

– Ме-е-е! – вьвбикІесбииб гежба.

Итмадан илала мякьялаб неш-гІежа багьарбиуб ва чІака гьарахъбикахъиб.

– ДугІрухъ гІямрула имтихІянти дахъ кьяркьти дирарну, дила биштІаси, сахъли бирен. Гьачамлис хІела мукукури агарану, набчибад гьарахъмабиркуд.

«Тамаша, заклизирад заб-марка ахІи душмантира дашулигу, – пикрибухъун гежба. – Гьаннала гІергъи шинни бужухІелира заклизиса хІербикІус».

Садаиб гІебшни. ЦІакъани ца бара имцІадиубхІели, гежбани сахъдеш-личила гІурра хъумартур. Сабицун хІязтабиркьули, халати пурсанала кьукьялизиса гьарахъбиркесбииб. Пурсанала гягІ дуцили тьялализиса гушбиубси бухъна бецІ багьарбиуб. ГІяйбикІуси кьацнала кьукьяличиса гьамбиэс урукІули, илдачибад тьядилис хІязтабиркьуси гежбачи гьамбиресбииб.



Каниличиб хъусбикІули, гежбачи тІяхІбухъес балбизурси бецІла гъалабад, пурхбухъи къакъба арцур. Илала тІамали уркІбухъахъунси гежбали бекІ ахъбуциб. Къакъба арцурси мерличирад сунечи гъалар чехІедаибти кІел хІули хІердикІулри, аъбяхъибси ганжубар къак саби бергес хІядурлири. Гежба де-бали урухбиуб, мурчІалилизирад дариб-тиван илала къашми дулкІесдииб. Лебси мерличибад вьшбухъес хІебирули, дад-кабизур. Нешлизи жиэс дигули хъалли, тІама бетяхъиб.

Жаниварла гягІ гъанаурли, гъабкъя къяца гежбачибяхІ бетухъун, ва иличи чебухъес хІядурбикІуси бецІличи хъур-сбухъун, гІур биалли, сунела мукукура-чи жанивар ахъбуциб, ванзаличи игъуб. БецІ хъярхъли харчбизур ва цархІил шайчибад чебухъес балбизур. Амма гъабкъя къяцали сагадан мукукури гъа-ладуциб ва жанивар гъабяхъиб.

– Дилара мукукури диалри, нура уруххІебираси, – бикІар гежба гъамби-убси нешлизи.

– Илбагъандан сабрагу хІези ну нуша-чибад гъарахъмабиркуд бикІуси.

ГІела гІебшнилизир тјллаличир къар камдиуб, бергеси баргес къяц-нас къиянбухъун. Илди лусентала уди гечдиресдииб. Къяцни шурмачирад тІяхІдулхъулри, ванзализи мукуку-ри атІахъи, пагъливанчибиван жургъ-духъи, къашмачи тІашдилзулри. Ил-даци хІербикІуси гежба тІяхІбухъес урухкІули, гІела хихбиуб.

– Неш, дила мукукури агарагу, нуни се бируси? – къакъабакІиб ил.

– ХІу галгала кІапІиван кункли са-бри, хІела биштІаси къаркъай къашма-чи гужхІебируну, тІяхІбухъен.

Гежба, тІяхІбухъи, лусенна удиб ба-гъарбиуб. Сунес гІергъи лусенна уди кабацІибси нешлизи гежба суравбухъ-ун.

– Неш, сен дила мукукури агарти?

– Ляркъути хІебли хІедра магъи-ла мукукури лерхуну, гушхІебиубли, сахъдешличила хъумхІертули, яни шалгІеббатес къайгъибара.



Марина Тяхмадова-Колубакина

Дагъиста халкъла поэтесса

ДИХЪАЛИС ВЕДИБСИ

(поэма)

III. ДУДЕШЛА МЕРЛИЧИВСИ

Гур Санкт-Петербурглизир,
Тах-шагъарла кЯялГназир,
ДяхИлира кИилкИмара
ДицИибти къакъурбазир.

Уланский корнетлис
Гъандирки бурхИни идти —
Кадетла школлизир
Даршдусван зүздитИунти.

Ца Аллагълизи шукру!..
Гелар сар, хъумкартурли.
Казармаби ва дурсери,
Башни гъарахъ архИяли

Урхъула цИиркИил дягИ саб.
Къаркъайзиб зимбулхъули,
БекИличиб ахъил къапИа
КИапИван ибхИяхъули.

Гъанна Жамалутдин сай.
Офицертала ургав.
Палтарра погонтира
РурхИули сар мургъиван.

Мякълав разил денщик сай:
«ХИед се дигалра бирис ...
ХИядурли сай жан-булан
Дедес Жамалудиннис.

Офицерла палтарра
ЛямцИдикИути чакмара —
Гъал дусли гИямруличир
Гур се гИяхИсив иличиб?!

Пачала тах-шагъарла
Майдайчив юргъаличив
БекИ ахъли вашниличив —
Гур се гИяхИсив иличиб?!

Нуни гИяхИил балуси —
Гъанбиклумала цИакъри
Къаркъайзибра абалки.
ИштяхИла цИацун сабри.

М.Ю. Лермонтов

Г. 1839 ибил дусли август

Цаибил балли уркИи
Саб гъалаксаахъурли,
Оленина Лизани
Тамай ясирбуцили.

Рурсила хИерли урши
Сайри хИяйранварили.
Паргъатдешра гъанкИра сар
ЦагъакИли кИундацИили.

Миъли буцибси хИеркИла
Дубкад сайри ил дуцИли,
Дураргъес дигусиван
УркИи саб тимхъбикИули.

Лизала бегИтачи сай
Урши ваэс гъалакли,
Улгас илди рурси гес
Биэсара къабулли?»

Рурси биалли къабуй
Сари къисмат ца барес...
Аммаки ца гъабиз леб:
ГИягИнил саб дин барсбарес.

ДуцИли сари кагъурти
Дарсур, абздикибтиван
Жагътала уркИи сари
Гъаргли, дяхИкахъибтиван.

Урусла пача сайри
Уршиличи къабулли,
Илис дудешла мерра
Буцес сайри хИядурли.

Урши ахІен кършили
АцІес киласализи...
Амма хапли чилирил
ТІамадариб илизи.

– Гвардеец, ахІенрив
ХІу разили гІяхІяйчи?
Сен илцад хІерикІулри
Дарайла явлухъличи?...

Пача хІерли сай хІечи
Сунела кІялгІялизив.
Сен илцад варсиубрив
ХІу хІяйзив ва вяхІлизив?

Яра цула изулив?
Яра цархІил зугІялав?
Мартив, хабурти лергу
ЛасдикІули хІу алав?

Гуржнала пачяхІунас
Варсвирулри бикІаргу...
Ил мару яра къянав? –
ХІуни бурес хІейруду?

ГІянтІикІа Чавчавадзе,
Къуймур Орбелиани
Чумал дус гъалаб илди
Ясирбуциб Шамильли.

Илдас варсварес ибси
Пикри-булан кахсири...
Урши сай столличив
КъаламлигІив умцІули.

«Лиза, дила ахІерси,
ХІевъус бархІехъ хІекІили...»
Денщиклизи кагъар сай
Къалабали лугули.

Пачала кІялгІялизив
Урши сайри арцурли,
ГІяхІдешличи хъул сабри
УркІилаб челукъули.

ГІяхІсири байхъала дус
Каласлири зягІипли...
Яра дигІянвикишав
Ца инсай варгІергесли?

...Николай сай хумарли,
Аммаки паргъатлири.
Крымла ва Кавказла
Дургъба бекІ буцахъилри.

– Гъу, корнет , къуллукъ барес
Гъанна хІуни нушабра.
ВатІаннис гІяхІдешлис сар
Лерил ишди авара.

Вирхаи, ну ахІенра
Илди вяшдарибсира.
Камси манзиллис сайри
ДекІарвиркуси хІура...

Гъай хІеили, уршили
БекІ саби гІяшбурцули.
Ил – пачала амрулис.
Къабулдешла лишанри.





Пачала кІялгІя сайри
Хумарли уббалтули,
ГъатІи гІур ил чебаэс
БиркхІебиркни балули.

Чеченти, черкесуни,
Дагъистанна лезгинти,
Хъяша Жамалудиннис
Саб чинабрил, гъарахъти.

IV. ШЯМ

Цабилкъличиб шям саби
Бигубли кабурхули,
Улкъайла дураб дяхІи.
Саб ибкъли лапІбикІули.

Дагъиста ва Чечняла
Имамла мер бурцанни
Гъеч балули ахІенри
Се бирулил илдани.

О Россия – кІиибил
ВатІан сабри уршилис!». .
Цаибил – бара лямцІван
Гъанарулри уркІилис.

БалхІебалулри илди
Жан хъябла дигъи бургъни,
Пачала гІяскуртани
Илдала шими игни.

ЦацахІели дугели
Муэрли гъаладилзи –
Чедиутала сипат
ДяхІцІурбиван кадилзи.

Хабар аги суннара
ГІямру хапли дарсдирни.
Сунела къисмат илцад
Игъбарагарси бирни.

Башлихъуни ва хунжи,
ЦІудар мазала къапІни,
Вайълиур сурдатурти
КІел бяхІланти ханжулти...

Аммаки шям бигубли
Лебай кахІеберхурли,
Дураб дягІ шятІбикІули,
Лебай бамсхІебамсурли.

...Кадетуни илдани
Бириб урухбирули,
БиштІати хъяшни къяйда
Бусес кабилхъухІели.

Ил ватІан, биаллира
КІиибил къисматлизиб,
Цаибилван гІязизли
Сабри ил гІямрулизиб.

(Хъарахъуд бирар)

ДурхІначила кЪайгЪназибти

Нуни нукъсай чедиути дурхІнала интернатлизи архІя дураберкІира ишди бурхІназиб. Илала директор сари ХІябикова Земфира МуртазагІялиевна. ГІяхІцад дусмазир рузули сари ил илар. ДурхІнази гЪарра шайчибад багЪуди касахЪес кЪайгЪни лер илала. Жагали хІяжатти гІягІниахЪлумачил далкъаахЪурти кабинетунази айцІухІели иштяхІ-духЪесли саби. ИлгЪуна даражала школа таманаибтира чебяхІси ва урга даражала багЪуди касесара дурхІни бажардибиркули саби. Чула дурхІначил барх набчил гЪунибаиб учительницаби-воспитательти СягІидова Аминат Османовна. МяхІячкъалала ДГПУ-ла бехІбихЪудла классла факультет таманаили,

ил 7 дусра-сера рузули сари ил школализир. Иш дуслизиб илини гехІел дурхІя дураиб. Педагог-психолог сари ХІясанова Зайнаб ХІясановна, илра ДГПУ-ла психологияла факультет таманаили, илар урегал дус рузули сари. КІелра хЪярбуکان рурсби саби. дурхІнази багЪади касахЪес илдани чебетаахЪибси хІянчи бирули саби. ДурхІнасна дигахЪу чула учительти. Лер илар рисованиела дурсрас хасбарибси кабинет, дурхІназибад ункЪли суратбикІантира камли ахІен. Лечебно-физкультурала, делхЪла ва далуйтала кружокунира лер. Ил дурхІнала жагаси ва ванаси анкЪи саби. Ила ацІибхІели уркІиличи ванаси хІял хЪурабирули саби.

А. ГІябдулманапова



МБОУ «Интернатлизиб» гЪунибагЪни

ГЯХІ САГІЯТ БИРАБ АЯ...

Дубри дуки вашули
Каникулти дуркІуси,
Чят-хІянра дахъдаалли,
Сайцад чакма челгъуси.

Чила сая саялра
Ит виштІал Чамсувара?
ХалаваибхІели ил
Чи ветаэс къас вара?

ХІерли хІевъар бурушлав
Ил нешли велхІахъайчи,
ЧатІни дусули лерай
Дураулхъан балкойчи.

Тяништи сари илис
Ургубала арцанти:
Даим дубуртазирти
Ва гІяхІладли дашути.

ДигІянали хІерикІар
Ил Чамсила гъаргала,
Къандирулил хІенкълизи
Къули унра рурсила!

СенкІун агарси сари
ГІур рурси Чамсигъуна:
Дарх дуки дику шабри
Ухъна Шарапудинна...

Сунес дигусигъуна
ЧеббикІабгу санигІят,
ВиштІал нартлис жагІяйзи
Биаб ая, – гІяхІ сягІят!



ГЪАЛМАГЪИРКУС ЧУЧИЛ...

ХІела тапван Дунъя
Журугси саби,
РикІар набзи дила
Халаси Рузи.

Ил бархъсил ахІенал
Баласра нуни,
ХалаваибхІели
ДучІули жузи...

Зубартачиб дурхІни
КІебти саб или,
Хабуртани угъар
Халаси узи.

ГІяхІладли жибирис,
Кагъар бархъили.
Гъалмагъиркус чучил
Дяркъурмад хІурпри...



ГІЯРЗРУХЪЕН ДУДЕШЛИЗИ...

(халатас ва биштІатас)

МяхІячкъалала ца къакъализиб
бетаурси анцІбукъличила назму.

Игъуб къакъа хъяшали,
Бячун улкъайла шиша.
Кабизур бахъ дурхъали
Рухънас хъяшала пиша.

Шиша асес пенсия,
БакІайчи руиб хІерли.
Бирув багъалис ахІи
Ил хІянчи унра НухІли.

Бержес шишала багъа
ТІалаббариб илини.
ГъинчІизур: « – ХІукІун матъал
Ралхулри хІукуматли!»...

Ази, викІар виштІаси
Нургъбани кІантІикули:
Кумекбарахъес гъатІи
Аркъяна рухъна чичи?!

– ХалаваибхІели хІед
Исис хІябцІали шиша.
Кумекбара гъарбарес
Дила гІядабси хатІа.

– «Чичи дигара рукъяб,
Шиша хІейсули гІергъи...»
– УркІецІи, намус – хатир
Далутив держла лагъли.

Чегибсиван гІярчумаг
УркІухъун ишав хъяша.
Рухъна рургъар, – «давламаг,
Мусли хІейрар цайналра».

– Раши, Зизи, нушачи
ВикІар малхІямли хъяша,

ГІярзрухъен дудешлизи...
БусагІят биршу шиша...

Юх, хІякъяс, рикІар рухъна
Тамай кІантІиракІили.
ХІейги нешли, дудешли
ХІу танбихІлаварили.

Вайбаркълис ахІенригу
ХІуни ил бячахъунси,
Мачигъуна къаркъали
ХІязтазиб дугІ игъубси...

(Ил рухъна мугІяллимри
ДурхІни гІяхІил балуси.
РухънараибхІелира
СанигІятлис рахъ марси.

ХІулбази хІеррикІули
УркІи иргъи адамла.
ДурхІназира гъайрикІи
СабхІеливан сунела).

– БегІла халаси хатІа,
Саб хатІа гъархІебарни.
Зизи, тилади саби
Раши, дила бегІтачи.

ГІур шишни хІедялчахъес
Наб дурсри кадихъахъес.
Держлукъуни сен къяркътил
Хабуртира дурахъес...

Такъсирлис бархъси тамбихІ
Изайс дармангъунану.
Гъанна хІечил варх ахІи
Хъули архІякъясрану...



Жадрагил Мустапаев

*«Далай чум дилчІаслира
Далай гІяхІна гъвабзалис,
Къийин дибил мусанив
Улхъанну даршлизі ца».*

ГІямарла Батирай

БАГЪАДУР ВАНАШИКАН

Даргала литературалис бегІ гъаб хъулчи кабихъибтазивад ца сай машгъурси хІурхъан далайчи ГІямарла Батирай. Илала гъабзадеш черяхІдирути далуйти даргантала уркІбазир бархІиличи-бархІи дебадикІули сари. Батирайла назмурти дебали мягІничерти, мурхъси мягІна бухІнабуцибти ва илцадра далдикибти сари бусягІятла заманаличи, адамтачи ва баркъудлумачи. Далуйтанира, пикри бугати дугъбанира, гІяхІси баркъудилира чеалкІуси наслулис лайикъси бяркъ бедлугниличира халаси асарбиру.

Сергокъалала районни чум-чумра гІяхІгъабза, ВатІайс марти ва асилти уршби абикъур. Буралли, район пергер тІабигІятличилцунра ахІи, жагаси культураличилра, гъар-урла дурхъати гІядатуначилра, пасихІкар адамтачилра дунгъаличиб машгъурси саби. Нушанира балуливан, Сергокъалала районнизибад Дагъиста тарихлизир мурхъти къел датурти адамти дурабухъунти саби.

Батирайла дугъбас бикъридеш дирусили ва черяхІти гъабзадеш дакІударибсили увухъун багъадур ванашикан Мусаадаев Шамил Мусаадаевичра. ХІера, иличила саби наб ишаб бурес дигусира.

Июль базла ахирличиб, Каспи урхъула дублаб бамсриихъуси замана, кІел адам къегІес асубирутири, эгер Шамилли илди чехІебаибти биалри. Кумекбарахъес ибти тІама-гъама аргъибмад, ил къалабали урхъначивяхІ дуцІухъун,

ва адамти берцахъес халаси къайгъи дакІубариб. Амма куртІикІухІели, илис урехиласи мерличил вяхІягесра къадарбиуб. Халаси замана гъава агарли шиннизив кални багъандан, илала аргъала деткахъиб. Тухтурти бакІайчи, мякълар къарширикибси медсестрани цаибси кумек гІеббаахъиб. Иличибли бамсриахъни мусибатличи шурбухъун.

Шамил больницализі каркъиб ва верцахъиб.

18 дусла гІямруличив Шамилли гІяхІгъабзала баркъуди дураберкІиниличила лебил гъамтани ва алавчарти шимала халкъли багъур. Мурталра адамтачи дигичевси, уркІи гъаргси, чис-дигара гІяхІдеш барес гъалакси, бузери дигуси ва урехиагарси вирусири илала дудеш Мусаадара. Гумайлаб учибикибти шантани мурталра ил уркІила дигиличил гъануршу. ДурхІнас гІяхІси бяркъ бедлугнилис халаси баркалла багъахъес дигулра Шамилла неш ЗулхІужатлис.

Узи-уршили, шантани сеналра хъумхІерту багъадур ванашикан уршили дакІударибти гъабзадеш.

*ХІурхъан Батирайлира
Далуйтазиб белчІунси,
Багъадурта бицІибси,
Дила Ванашимахъи.*

*ГІягІнибикиб мерличив
Музаухъес хІядурси,
Гъабза Шамил айкъурси,
Дила Ванашимахъи.*

Шалихал Суханов

Хіурматла офицерти

Хіурматла офицерти,
Икрамбирулра хІушаб, –
Асилдешла гънарти
ВатІан гъанни сархант.

Дуги-хІери хІеили,
Низамлис къарауйчир,
Къия халкъла даршудеш
МяхІкамли балтахъути!

Демжурти ва дуцІарти
Дургъбала майдунтачир
ЦІализир ва гавлизир
Дебш касибти гІяхІгъубзни.

Дубурла чІакнигъунти,
ВацІала буцІигъунти,
АхІер ВатІа душмант
Някъ-някъли гІяндбуршант!

БегІ ахъси къимат хІушаб –
Улкала игитунас,

Душмантала хІярхІубас
Михъирти гъадурцантас!

Хіурматла офицерти!
Икрам бирулра хІушаб, –
Дявтала майдунтачир
Даимлис уркалунтас!



ТІашбатур Рейхстагличи Чедибдешла байрахъ

Дургъбала майдунтачиб
Байрахъ бихулри ахъли,
Кагахъес ванзаличи
БедхІелугули ахъри.

Гъужумличи аркъялра,
Гъалав вири байрахъчи,
Къардухъалри рахли ил,
Хъямбилки байрахъличи.

Някъбазибад някъбази
Башули. Арбашули,

Абии музаличи, –
Чедибдешла къякъличи.

ЛапІарбикІи азадли,
Ахъдешлизиб дягІличил,
Адамтачил цабалги,
Жалбяхъили дявличил.

БегІла гІергъи тІашбатур
Рейхестагла къуппаличи,
Къукъмуцушиб душманра,
Азадбатур дунъяра.

Зурият Тъашилова,

ДГУ-ла филологияла факультетла 3-ибил курса студентка

Гъар адамлис дигахъу

Ну акІубсира ва халараибсира Сер-
гокъалала районна Къянасирагъила
шилизир. Ши мерлабиубли саби Сер-
гокъалализибад 33 километрла гъа-
рахъси Дахадаевла районна дазуличиб.

Бурни хІясибли, шила мер-муса Ур-
кухъла ханна арилизира дирутири. Ур-
кухъла шила шанти, ванза хІебиули,
янилис яшав барес унра шилизи ба-
шутири. Илди мер-муса гІяхІдизурли,
хІербиэс калун. Ил мерлис Къалакант
бикІулри (гъала хІеб къарличи ба-
псуи мер). Амма, шиличи мурталра
чябхъинти дирулри, ахирличиб ши
бигуб. Илизирад шел халати махъи
акІуб: Хала махъи, КатбяхІ, Улелъа-
ла махъи, Къаркънар махъи ва Гъяр-
гъуртар махъи. Ну акІубси юрт мерла-
биубли саби Гъяргъуртар махъилизиб.
Илди махъурбачира чябхъинти ди-
рули калунти сари, ил багъандан ма-
хъурбала халкъ чябхъинчибачи къар-
шили цабалгун ва Къяба дубурала
удиб ши акІахъуб, сабира алавчарли
400-500 метрла мурхъти муза-къа-
дурбани алавбуцибси. Къяба дубура-
ла удиб мерлабиубси шилис Къяба-
сирагъи ибси у бедиб. Къябасирагъи
Лавашала округлизи кабурхусири, ва
иларад гІярабла мезличил буйрухъ-
уни дашутири. Буйрухълис жаваб
бурхъухІели, лукІусини хатІа бариб:
гІярабла «Б» декІарбулхъули саби
гІярабла «Н»-низибад кабатурси «точ-
ка» хІясиблицун. ЛукІусили «точка»
балкІли кабатурси, ил багъандан «Б»
«Н»-ничи ласбухъун. Илкъяйда Къя-
басирагъи Къянасирагъиличи шур-
бухъун.

Шила, ши алавти мер-мусала жа-
гадеш лукІулира бурулира кабер-

хахъес хІейрар дила пикрили. МягІна
хІясибли Къянасирагъила шила мер-
мусала уми 27 кьукъяличи дугІес ви-
рар: КъатІаналауми, Шинкъабалауми,
Хъумала уми ва дахъал цархІилти.
ХІебла замана биалли, декІарси жа-
гадеш бирар ши-алав, шинишбиубси
гъалжанала рангли рурхІуси ваЦІа,
дубурти, диркъурби, хъуми. Гъанна
шилизира дахъал хъалибаргунни ага-
ра. Яшав барес жагъилти шагъуртази
арбякъи, бухънаби кали саби. Деба-
ли тамашала хІял бирар уркІиличиб,
рахъхІи шилизи хІеракІасли. Ши-
лизарад шагъарлизи ляркъухІели,
уркІи шилизиб калунсиван билзан.
Гъарил адамлис дигахъу вегІ акІубти
мер-муса, сенахІенну чинав виал-
ра, се хІяйзив виалра, уркІилабад
вегІла ши ва шила шанти къяббердес
вирхІейрар. МяхІкамбиреная хІушала
биштІаси ВатІан!

ДИЛА КЪЯНАСИРАГЪИ!

Шилизир хІериасли
Риркус ну пикрумази,
Мурт раишара или
Дила ши хІела шулгІи.
Шилизир хІериасли
УркІира кІантІибикІар,
Чедаэс хІебиркуру
ХІела эркиндеш бикІар.
Шилизир хІериасли
ХІулби нургъба кІантІидикІар,
Ши чебиъна даайчи
Сари дахъ хІулхІедуркІар.
Берхъаби хІу мурталра
Ну акІубси дила ши,
Балги бии мурталра
Дила Къянасирагъи!

Раисат Хусенова,

ДГУ-ла филологияла факультетла 3-ибил курсла студентка

ДАРГАЛА ХАЛКЪЛА ПАХРУ

1960 ибил дуслизиб, бегІ гъалаб, Дагъиста газетабазиб багъарбиубсири цаибил макъала, ГЯлибек Тахо-Годилис багъишлабарисси.

Ил статья белкІунсири сунела лерилра гЯмру багъудлумас харждарисси, дахъал дусмазив учительли узули калунси РСФСР-ла ва ДАССР-ла урибси учительла уличи лайикъикибси СягІид МяхІяммадович ГЯмаровли. Ил макъала гъанна педагогический бузерила ветерантала сборниклизи белкІи саби. Ил ГЯлибек Тахо-Години дахъал дусмазир педагогла ва пачалихъла хІяракатчила хІянчи дарниличи бяхІчаибси саби. Илала хІянчи кадизуртири Дагъистайс кЪиянти дусмазир.

Итди дусмазив ГІ.Тахо-Годи ГЯлибек закон агар шайчив танбихІлаварибсири. ГЯмру бегІлара вавалидирхъуси манзил алхунсири. Ил вебкІибсири Москвализив 43 дусла гЯмруличив. Амма гЯмрула гъуни деркІибти дусмачил хІисаббируси ахІен.

Буралли, Тахо-Годи ГЯлибей Дагъиста юстицияла, багъудила, масани дурхахънила ва бузерила министрливири, Дагъиста багъудилис, литературалис, культуралис ва гІилмулис хъулчи кабихъес халаси кЪайгъи дакІубарибсири. Илини тарихлизир, дубурлантала халкъ азадбалтуси хІяракатлизир, граждан дергълизир ва Октябрьла революциялизир мурхъти кЪел датуртири, юристли,

мугІяллимли, судьяли, прокурорли узулира калунсири. Амма илцун ахІен хІурхъан гъабзала лерилра гЯмрула гъуни.

ГЯлибек ГЯлибекович Тахо-Годи акІубсири Сергокъалала районна ХІурхъила шилизив 1892 ибил дуслизив. ГЯлибекла дудеш ГЯлибей ХІурхъила шилизив машгъурси далайчи вирусире, ил вебкІили гІергъи, ГЯлибекла хЪалибарглис дахъал кЪиян-жапа чекасес къадарибуб. Сунела зилантачил варх ГЯлибек Чумлила шилизи мадрасализи Къуръан делчІес ваши. Илини сегъунти-дигара хІянчи дирутири: шила хІяйванти дуки дикутири, арши иршуси замана узусири, урцул кавдутири. Мадраса белкІи гІергъи, илини уркІиличиб Къуръан багъур.

Илала неш Муъминатли ил сунела дудешла узичи Владикавказлизи вархъибсири. Машгъурси тухтур, КавказлизивбегІгъалаб чебяхІси даражала багъуди касибси адам, улкала духІнарти масъулти бекІдируси депутат, Дагъиста бекІ МяхІяммад ТІалхІятли ил дебали жагали хІерварибсири. Камси заманализив ГЯлибек дудешла цархІил узи Дагъиста прокурор Башир ТІалхІятличив хІериулира калунсири. Илдани ГЯлибек урусла гимназиялизи катур, гимназиялизив виштІаси ГЯлибек ункЪли учІусири. ГЯлибекли гимназия арцла медальличил таманбариб, ва 1911 ибил дуслизив Москвала М.Ломоносовла у



бихуси университетла юридический факультетлизи керхур. Илав учуси замана Кавказла цаванзалантала цахІнабикла членни, полицияла от-делла начальникли калунсири ил.

Илини университет 1916 ибил дуслизиб ункъли хъараахъурсири. 1917 ибил дус граждан дергъ бехІ-бихъибсири. Ил замана Дагъистайзиб Совет хІукумат кабизахъес багъандан ургъули Дагъиста дявила-революцияла комитетлизив калунсири. Граждан дергълис гІергъи ил Дагъиста масани дурхахънила, юстицияла ва багъудила наркомли катурсири. Цалис гІергъи ца шалгІердухъун улкализир мягІничерти анцІбукъуни. Гъаланачиб Октябрьла революция, гІур граждан дергъ ва Дагъистайзиб Совет хІукумат кабилзахъни. Октябрьла революция чедибикес гъаларти дусмазив ил Россиялизив хІериурсири ва большевикунала къяйлизи кайзурли, дигІяй сагаси хІукумат багъандан ургъусири. 1918 ибил дуслизив ил Дагъиста цаибил ВКП (б)-ла обком партиялизи уцибсири.

1932 ибил дуслизиб Москвала университетли ГІялибеклис профессорла у бедиб, илар илини Кавказоведенияла ва Востоковеденияла лекцияби дучІутири. Ил дуслизив ГІялибек Тахо-Годи лебил Союзла гІилмула-ахтардила миллатунала педагогический институтла директор варибсири.

1930-1934-ибти дусмазив ил лебил Союзла Сагаси алфавитла ЦК-ла член вирусири. 1935 ибил дуслизив белчІудила заведениебала ЦК-ла партияла заведующийла хІянчилици шурватурсири. Москваллизив левай илини Дагъистан хъумхІертур. Дагъистайзиб багъудлуми тІинтІдарес халаси къайгъибарибсири. Дагъиста багъудила ва халкъла комиссарли узухІели, гІяхІцад хІянчи дурадερкІибтири. Илала сиптакар-дешличил республикализир 50-йчирра имцІали сагати школа ва училище абхъибтири. Илини сари акІахъубти республикала НИИП, край руркъни-ла музей. БусягІятра илдани ГІялибек Тахо-Годила у бихули саби.

Зудейда Къасумова,

ДГУ-ла филологияла факультетла 3-ибил курсла студентка

Разилира Хъармахъи, хІезир ну акІниличи



Дагъистайзир лер кІел азирцад ши, махъурби ва шагъурти, илдазибадли ца саби дила ши Хъармахъи. Ил мерлабиубли саби Буйнакъскла районнизиб. Хъармахъи-алав лер гІяхІцад шими: Къадар, ЧАбанмахъи, ЧІянкІурбе, Къачалихъ, Ванашимахъи. Сариргар илди декІардирули сари ахъти лусентани, хъябагърибани ва музурби-къадурбани. Ил-алавси тІабигІятра дебали тамашаласи ва жагаси саби. ХІебла манзилличибад бехІбихъили, гІебшни садаайчи шиниша къалтинтани буцили бирар. Илгъуна тІабигІят лебси мерличир лер дахъал журала мицІираг, дугІла жаниварти.

Хъармахъила ши цалабикили саби «Хъар» ва «махъи» ибси девлизибад. Гъалар шила гІямру, хала-

тани буруливан, дебали къиянтири. ГІянручІ дурабухъи бархІи ахъайчи хъумачиб, совхозла хІянчиличиб бузутири. БиштІати дурхІни дурсри тамандиубли школабазибад чарбухъунхІели, касили таврумира кІатІнира сабира дапунти колхозла хъумачи гІяби далцІес арбашутири.

Дила шила мер-мусаличир тамашала умира лер. Мисаллис касалли: «Гавула хІябре», халатани бурни хІясибли, илди Аллагъличи хІебирхутала хІябри сари. Дагъистайзи ислам дин бакІайчи бебкІибтала хІябри сари илди. Амма чум дус гъалар акІубти хІябрил балуси агара гъаннара.

БусягІятла замана Хъармахъилизиб хІербирули саби верхІел азирцад адам. Ну дебали разилира Хъармахъила шилизир акІниличи!

Разият Пяхмадова,

ДГУ-ла филологияла факультетла 3-ибил курсла студентка

Иличила бурес дигулра

Лавашала ши – Лавашала районна байли бетаурли саби.

Ишбархи наб Лавашала шиличила, илабситабигитличила, гядатуначила бурес дигулра.

Лавашала ши акубси саби 17 ибил даршдуслизиб. Бегла гъалаб Лавашала ши «къякъла» хъарличиб сабри, илди ванзурбачи Ахъушала шилизибад адамти башутири, илар ахъушантани чус ванзурби деклардарили, хъулри ташдалтутири. Ахъушабадван Лавашала цархилти шимазибадра бахъал адамти гечбиубтири. Гъанна дила ши халакабайли саби.

Гъалабван лавашакунтли беклибти адамти Ахъушала шилизирти хябрази хярибирхъутири. Гъанна биалли, Лавашала шила дублар хябри лер.

1913 дуслизиб шилизиб адамтани мижит абхьбсири. Жумяг бархи шила жамигит дехибала дарес башутири. Садакъа буртусири, зикру ва мавлидуни дучутири.

Гябдуллаев Мяхяммад бикуси адам сайри бег гъалав шила къадили катурси. Ил дебали секлал балуси, адamtала ургала балбиркахъуси, гярабла гилму делчунси, шантас дебали дигуси къади сайри. 2000-ибил дуслизиб мижит сагабарибсири.

Гъалабси мижит «хъябла-гела» бикуси мерличиб белшунсири.

Лавашакунтла яшавличила буралли, бахъал адамти хъумачиб бузули саби, хяйван-къача адилкъули, хербирули саби. Дила шантани анкИ, хяжланкИ, нихъя ва капуста дашахъу. Мяхячкъалализи аркъуси гъунила мякълар анкИли делгити халати ванзурби лер. Гъанна илди ванзурби адамтани гъаларван делгити ахен.

Лавашантани капустара, картошка дашахъутири. Адамтани халати

хъуми делгитири, илдачибли яшавбирусири. Гъалар лавашакунтла капуста гяхил исутири. Гъанна капуста делгити адамти бахъал саби.

Шила адамти колхозуназибра бузутири. Гъарил адамли барибси хянчилис ризкъи дедлугутири. Колхозла унхърира дири. Ил анхълизив чи-биалра къараулли калтусири. Колхозла председателли узиб Мяхяммад-Гяли Мяхяммадов. Ил акубсири 1930 ибил дуслизив. 1949-1950-ибти дусмазив Лавашала урга даражала школализив учительли узули калунсири. Лавашала шила хозяйствала начальникли узули калун, 1966 ибил дуслизив. 1990 ибил дуслизив Лавашала депутатли вирусири.

«Лаваша» ибси у секъяйда бетаурсил бурес дигулра. Деклар-декларти дурути лер шила у бетаъниличила: 1.Адамти бикити саби «лаваша» ибси у бетаурли саби даргантала шила мякълаб арслан къапланна статуя «ЛЕВ» баргни багъандан. Ил Лавашала шилизиб барибсири. «Лев» ибси девличил «ши» ибси девра бархьхъили саби. Илкъяйдали «Лаваша» ибси шила у бетаур. 2.Лавашала ши бехъубли, сгали барибси саби. Тамерлан 14 ибил даршдуслизив чевхъи герги. «Лев» ибси дев Ирантала шахунала халадешла лишан буибси саби. 3.«Лаваша» ибси у бихъили саби «лаваш» къацИ бирули биъни багъандан. Ил къацИ бирцули буибси саби шилизиб. Архяличи аркъути адамтани исусири. Хъунрани чекахъили цули къакъличи, шила дубларти шинкъбахИ делгехъес дихули калунти сари. 4.«Лаваша» бетаурси саби дахъал лагъни лерни багъандан. «Лагънала дубура» ибси бурала гъаннара кали саби.

НУШАЛА ДУРХИНИ



Соколенок 

ISSN№0206 - 7935

Лачин

6/2020

ноябрь – декабрь

Иллюстрированный детский журнал
Издается один раз в два месяца

Учредитель:

Министерство информатизации, связи и
массовых коммуникаций Республики Дагестан.

Регистрационный номер

серия ПИ №ТУ05-00413 от 22.04.2019 г. выдан
управлением Роскомнадзора
по Республике Дагестан.

Издается с января 1980 г.

Руководитель – главный редактор

М.М. Ахмедов

Редколлегия:

А. Абдулманапова (редактор)
И. Ибрагимов
А. Юсупов
Х. Курбанов
Х. Юсупов
Х. Габибова
А. Курбанова
Ш. Магомедов
М. Муталимов
М. Багомедов

Художественный редактор З. Даганов

Технический редактор Т. Лузина

Художник номера З. Даганов

Формат 60x84 1/8
Бумага офсетная.
Уч. изд. л. 2,61.
Уч. печ. лист 3,25.

Выход в свет 07.12.2020 г.

Тираж 448 экз.

Заказ № 782.

Типография:

ООО «Издательство «Феникс-пресс».

Адрес типографии: 367018, РД,
г. Махачкала ул. Петра 1, 61

Редакция и издатель: Государственное
бюджетное учреждение Республики Дагестан
«Редакция республиканских литературных
журналов «Соколенок» и «Литературный
Дагестан»

Адрес редакции и издателя:

367000, РД, г. Махачкала, ул. Даниялова, 55.

Электронный адрес редакции:

litdag@mail.ru

Даргинский язык

Индекс: на год - 63278,
на полугодие - 73903.

Цена свободная